



7

REVERENDISS. P. D.
ANSALDO
DECANO

Toletana Canonicatus.

Veneris 14. Maij 1717.



Alphonfus Fernandez ; qui de Anno 1541.
1544., & 1551. in Hispanijs Sacrae Inqui-
sitionis Secretarij munere fungebatur , pro-
cessum compilavit contra Ioannem Torres,
Gabrielem Torres, illiusque Patrem, & Ioan-
nem Torres Cives Seguntinos , qui omnes
odibili Iudaismi crimine convicti per Sa-
crum Inquisitionis Tribunal ad ignem con-
demnati fuere ; Hoc interim , quod dictus Alphonfus crimino-
sum hunc processum conficiebat de Anno 1546. nuptias contra-
xit cum Anna Molina filia Alphonfi Molina , & Isabellæ Tor-
res originem suam ducentis à Loco Aquavivæ , in quo inter
primarias , & nobiliores reputabatur Familias , semperquæ tam-
quam præstanti Nobilitate præclari , nullaque Iudaismi macula
deturpati eorum Descendentes pro Nobilibus vbique Gentium,
& Locorum reputati fuere , talitèr , quod vacato de Anno
1712. in Primitiali Ecclesia Toletana Canonicatu , & Præbenda,

suæ fretus Nobilitati, & Sanguinis puritati ab eiusdem Ecclesiæ
 Statutis requisitæ minimè reformidavit Ioseph Fernandez Iubera
 illorum mediatu descendens de eodem à Sancta Sede provi-
 sionem reportare, Literisque eidem Capitulo præsentatis ad hoc,
 ut iuxta formam Statutorum dictæ Ecclesiæ deputaretur Canonicus,
 qui opportunam suscipere Informationem super puritate sui San-
 guinis, & suorum Descendentium, fuit per ipsum Capitulum soli-
 tus Commissarius deputatus, qui se conferendo ad Civitatem Se-
 guntinam, Terram Acquavivæ, ac Villam Matriti opportunum
 compilavit processum, qui ad Capitulum Toletanum delatus,
 fuit in sensu illius probationes non esse completas; Ast quia præ-
 fatus Ioseph Iubera tali methodo nè reiectionis, nè admissionis
 Sententiam reportaverat, suæ rei consulendo satius duxit ad
 Sanctam Sedem provocare, solitaque commissione Causæ oppor-
 tunè obtenta, Sacroque Tribunali directâ sub die prima Iulij 1716.
 pro executione suarum Literarum Apostolicarum coram R. P. D.
 meo Lancetta responsum fuit. Verum illius non acquiescente Sen-
 tentiâ prælaudato Capitulo ulteriorem causæ Commissionem re-
 portare sategit, illaque mihi directâ cum clausula *Alteri qui ad Le-
 gitimam*, ad illius normam in hodierna Audientia sub congruo Du-
 bio Dominorum sensu per me requisito, ille fuit favore Iosephi
 sua Iura tuentis affirmativus, & contra Capitulum negativus, quod
 informare recusans resolutionis delationem tantummodo efflagi-
 tabat.

Quemadmodum enim nulla orta fuit dubietas dictæ præcedentis
 Sententiæ R. P. D. mei Lancetæ super ipsius validitatē, & illius
 Iustitia clarè emicuit ex rationibus luculentè deductis in decis.,
 quæ de more dictam Sententiam præcessit, ita Vota DD. in affir-
 mativam declinarunt sententiam, quæ validitate, & Iustitia adsti-
 pulantibus diversimoda esse non valuit per ea, quæ docet *Rota
 coram Benincasa decis. 127. num. 1. & decis. 382. num. 1. & in
 Pacen. Canonatus Veneris 24. Aprilis 1716. coram R. P. D. meo
 Crispo.*

Absquē eo, quod legitima dd. Literarum executio retardari potue-
 rit per eam unicam obiectivam exceptionem, quod ad formam
 Statutorum præfatæ Ecclesiæ Toletanæ de necessaria Sanguinis
 puritate Iosephi non constaret. Quoniam in primis, cum ipse Io-
 sephus fundatam habeat Intentionem in Iure super sui Sanguinis
 puritate, qui semper præsumitur omni turpitudinis macula abster-
 sus, ad bene firmata per Ricciul. de Neophitis, cap. 7. num. 22. *La-
 ra de Anniversar. & Cappellanijs, lib. 2. cap. 4. num. 56. & 58. &
 in dicta Pacen. Canonatus Veneris 24. Aprilis 1716. §. Constituto ex
 his coram R. P. D. meo Crispo*, ita ad Toletanum Capitulum spe-
 ctabat ex celebrato processu per suum Commissarium impuri-
 tatē Iosephi plenè, & concludentè probare, quod cum ex-
 ple-

pletum non fuerit per præfatum Capitulum ; ex hoc probata remansit puritas illius Familiæ , & Descendentia aditum sternens ad sui Canonici possessionem , vt in simili aliàs respondit Sacrum Auditorium , & signanter ex *decisione* 244. coram Mantica , & magistratitè in *decis.* 177. 183. 196. & *decis.* 212. part. 1. Recent. & coram bo : me : Alexandro VIII. *decis.* 65. num. 10. & sequent.

Quod autem ex memorato processu talis Sanguinis impuritas re-
verà non eliciatur clarissimè probatum fuit ex ipsius lectura,
ex qua eruitur , quod præcitatus Canonicus Commissarius in Ci-
vitate Seguntina triginta , & vnum Testem examinavit , qui duo-
bus exceptis , omnes deposuerunt de Nobilitate , & puritate San-
guinis Iosephi , eiusque omnium Adscendentium , idemque com-
probarunt omnes etiàm alij Testes tam in Terra Acquavivæ , quam
in Villa Matriti examinati , & ex quibus omnibus Sanguinis puri-
tas omnium Adscendentium Iosephi , & antiquissimæ eius Nobi-
litis perfecta emerfit probatio ex connotatis per *Corneum consil.*
176. num. 10. volum. 4. Hoieda de Incompatibilitate , part. 1. cap. 23.
num. 143. Rota *decis.* 455. num. 4. coram sa : me : Gregorio XV. &
decis. 2089. num. 28. coram Coccin.

Quin obitare visa sit prædictorum duorum Testium depositio com-
probans impuritatem Sanguinis Iosephi ; Nam quamvis solum
sufficeret respondere , quod ubicumque ex Informativo Proces-
su , & ex innumeris Testium depositionibus conclusivissimè erui-
tur Sanguinis puritas , illis tantum de puritate deponentibus ple-
na fides adhibenda sit , alijs de impuritate testantibus præter-
missis , vt in puncto firmavit Rota *decis.* 768. num. 9. coram Mer-
lin. *decis.* 246. num. 9. & 10. part. 12. Recent. & in Pacen. *Canoni-*
catus 25. Aprilis 1716. §. *Constito* coram R. P. D. meo Crispo , maxi-
mè quando longè maiores sunt in numero illis de impuritate
Deponentibus , vt in specie probant Ricciul. de Neophit cap. 74
num. 22. Lara de Anniversar. & Cappellanijs , lib. 2. cap. 4. num. 56
& 58.

Nihilominus DD. solertia non patiente his generalibus propositioni-
bus pertransire , eorundem depositiones penitus inspexerunt ,
quæ penitus reverà inspectæ minùs subsistentiæ habere compertæ
sunt ; Nam præfati Testes in primis non sunt naturales Seguntinis
sed solum Diocesis Toletanæ , & per consequens non omninò
habiles ad probandam Descendentiam , & Adscendentiam Io-
sephi Originarij Civitatis Seguntinæ , sed , quod magis est , non
deponunt de infectione , aut de fama infectionis constanti , & per-
petua sinè vlla contradictione , vt iuris esset ad *Textum expressum*
in cap. Licet ex quadam de probationibus , sed alter ipsorum de solo
auditu à Canonico Retuerta , quod Isabella de Torres quarta
Avia Iosephi foret coniuncta illis de Torres penitentiatis à Sancto

Officio de dictis Annis 1541. & 1544. vtpotè Iudaismi macula infectis; Alter verò nuncupatus Simeon Paxares nil aliud deponit, quam de puris colloquijs familiaribus habitis cum Benedicto Martinez, & cum dicto Canonico Retuerta, qui omnes dicebant, quod Canonicus Ioseph Fernandez Patruus Iosephi Actoris, ex eo quia admittus non fuerat ad Collegium Sanctæ Crucis, suspicabantur dictam Familiam præfato crimine esse infectam; Licet tamen ipse Canonicus cum prædictis Testibus fateretur, vt ipsi referunt—*Che la verità di quel, che realmente era non lo poteva sapere, perchè non aveva inteso dire, che la datta Isabella de Torres fosse stata penitentiata nella sua Persona, ne tampoco poteva discernere, se era Descendente figlia, ò Nepote delli Torres, che si convertirono l' Anno 1492. che seguì l' espulsione degl' Ebrei*; Vndè nemo non vider, quod nulla probationis vis constitui valet super depositionibus dd. Testium, qui merè deponunt de auditu alterius, qui veritatem facti ignorabat, *Rota coram Royas decif. 221. num. 11. coram Bich. decif. 202. num. 12. coram Emerix Iun. decif. 132. num. 187. vtrobique num. 4. decif. 1251. num. 16. coram Eodem, & decif. 105. num. 6. part. 17. Recent. & in Pacen. Canonicatus 26. Iunij 1715. §. Nequè verò coram R. P. D. meo Falconerio Almæ Urbis Gubernatore.*

Sed in vniversum omnis vmbra difficultatis fugabatur animadvertendo, quod credulitas illius infectionis, de qua deponunt memorati Testes, & quæ orta fuit in præfatis Canonico Retuerta, & Benedicto Martinez, tam ex damnatione secuta de prædictis Annis 1541. & 1554. prædictorum de Torres, quam, & ab ea reiectione Canonici Iosephi Patruus Moderni Actoris, quàm de eo fecit Collegium Santæ Crucis, panitus erronea fuit, cum Isabella illa de Torres quarta Avia Iosephi, quæ prætendebatur consanguinea illorum de Torres Civium Civitatis Seguntinæ in prædictis Annis 1541. & 1544. condemnatorum, non erat de illa humili Familia Torres Seguntina, sed erat de ea Nobili Familia Torres ortum habente à Terra Acquavivæ, quod plenissimè iustificatur, tam ex antiquis Instrumentorum enunciativis, tam ex Libris Parrochialis Ecclesiæ Acquavivæ confectis Anno 1553. in quibus adnotatum reperitur, quod Alphonfus de Torres legavit Novenium Missarum pro Isabella de Torres sua Sorore Defuncta in Civitate Seguntina, tum deniquè ex alijs multiplicibus enunciativis Testamentorum, quæ omnia plenè probant prædictæ Familiæ derivationem à d. Terra Acquavivæ nihil commune habentis cum prædicta de Torres Seguntina melius, & validius, quam Testium depositiones, si adfuissent ad *Gloss. megalalem in cap. 3. de probat. quam sequuntur Lara de Annivers. & Cappellan. part. 2. cap. 4. num. 57. & 58. Ottalora de Nobilitate Tom. 1. part. 3. in princip. cap. 7. num. 17. Ioannes Garcias eodem Tractat. Gloss.*

Glof. 4. Escobar. de Puritat. part. 1. quest. 15. num. 7. & sequent.

Et eo magis prædictæ Isabellæ derivatio à memorata Terra Aquavivæ innegabilis effulgit, ex quo usque de anno 1647. in Tribunali Sancti Inquisitionis centum quadraginta tres Testes omni exceptione maiores examinati fuere, qui omnes concordi voto deposuerunt præfatam Isabellam de Torres fuisse naturalem dicti Locidictæ Terræ Acquavivæ, quodque Cognomen, & Familia de Torres in prælaudata Terra esset pura nobilis, atque ex primarijs eiusdem Loci compulsatis tunc temporis omnibus prædictis Instrumentis dictæ Isabellæ nativitatem in sæpèfata Terra Acquavivæ comprobantibus, & propterea his concurrentibus perspicuis documentis in re maximè tam antiqua metam ferè duorum Sæculorum excedente omni iure eis deferendum esse tradiderunt *Paresan. de editione Instrum. tit. 2. resolut. 3. part. 3. num. 59. Decius conf. 42. num. 2. lib. 1. Guidopap. decif. 357. num. 2. & secundum sæpius firmata per Rot. & præcisè in decif. 21. §. Ad secundum coràm Martino Andrea, & coràm Coccin. 2358. 1. num. 3. & sequent. & coràm Arguelli. decif. 17. num. 4. & 5. & decif. 14. num. 11. coràm Me.*

Maximè quando hic non sistunt efficacia, & pondus probationum, sed vltiores, & validiores, subministrat alia nova inquisitio per idem Tribunal S. Inquisitionis peracta de anno 1680. de quo tempore prævia probatione puritatis, & nobilitatis sui Sanguinis elevatæ usque ad dictam Isabellam de Torres Canonicus Patruus Iosephi Actoris petijt deputari in Iudicem Ordinarium dicti Tribunalis, qua occasione examinatis trigintaquinque Testibus nullam exceptionem nec in dicto, nec in Persona admittentibus comprobata remansit descendencia dictæ Isabellæ, & illius puritas Sanguinis nullo Iudaismi crimine denigrata, & prædictus Canonicus Iudicaturam fuit consecutus, iratù tot, tantisque concurrentibus probationibus puritatem Sanguinis, & Familiæ diversitatem dictæ Isabellæ præferentibus ambigi iure non valuit de omnimoda Sanguinis puritate Iosephi Provisi Apostolici, præsertim ponderando, quod effectum sortitæ fuerunt, & fulcitæ reperiuntur Iuris præsumptione, & contra eas non faciunt, nisi præmissæ duæ simplicis Testium depositiones de simplici auditu illorum, quos de prædictis nullam habere certam notitiam supræ præfatum fuit.

Semperque magis præmissa comprobabantur ex præclaro Testimonio Secretarij Tribunalis Sanctæ Inquisitionis, de quo in *Summ. Additionali Iosephi num. 16.* qui testatur, quod de ordine Concilij Sanctæ Generalis Inquisitionis vidit, & recognovit Processus fabricatos contra dictos Cives Seguntinos dictis annis 1541. 1544. & 1551. & recognitis Genealogijs exhibitis, prout exhiberi debent

bent ab Inquisitis in dicto Tribunali, nullam reperijt personam inter Adscendentes, Transversales, & Collaterales descriptos in Genealogijs dictorum Reorum, quæ vocaretur Isabella de Torres, qua mediante attestazione, & diligentia facta de ordine Supremæ Inquisitionis Regnorum Hispaniæ remansit probata negativa, quod dicta Isabella de Torres non esset de parentela, & familia illorum de familia Torres Seguntina condemnatorum de Iudaismo à Tribunali Inquisitionis, quia si esset illorum Consanguinea, utrique in dictis Genealogijs reperiretur descripta.

Et denique quæcumque quoque impuritatis suspitio profligata remansit ex alijs perspicuis, & extrinsecis facti circumstantijs in id collinantibus, & signantè, quod ipse Alphonsus Fernandez Sponsus Annæ Molinæ filia Isbellæ confecit Processum contra illos de Familia Seguntina, qui fuerunt combusti in Civitate Seguntina anno 1541. & 1551. contemporaneè ad predictum Matrimonium, idè ab omni verisimilitudine alienum visum fuit, quod dictus Alphonsus Fernandez Secretarius Inquisitionis, qui adèò rigorosè processerat contra illos de Familia Torres infectos voluerit eodem tempore suscipere in Vxorem Filiam Isbellæ de Torres ab infecto Sanguine derivantem tali modo indecens, & infame Matrimonium contrahendo cum Muliere descendente à Sanguine Hebræorum iuxta communem dictæ Regionis opinionem, de qua *Fontanell. de Pact.nupt. tom. 2. Claus. 5. gloss. prima, num. 103. & sequent.*

Eoque fortius, quia idem Fernandez etià post nuptias contractas cum Anna filia Isbellæ prædicta adhuc in suo munere, & servitio Sacræ Inquisitionis continuavit, & eiusdem Sancti Officij Familiaritati fuit aggregatus, quando si obiectum Crimen Sanguinis impuritatis verum fuisset in dicta Isabella Fernandez præfatus tamquam Coniunctus cum persona descendente à Sanguine infecto nullius honorifici Officij, & ministerij in illis Regnis capax fuisset, ut testatur *Escobar. de Puritat. part. 1. quest. 15. §. 1. num. 33.*

Crescitque vis, & robur coniecturarum animadvertendo, quod cum fato celsit prælaudata Isabella de Torres, fuit tumulata in Sepulchro specialiter conservato in Claustro Ecclesiæ Cathedralis Seguntinæ cum ea honorifica inscriptione solis Nobilibus competente in marmore insculpta sub tenore, ibi = *Qui sta sotto terra l' Onorabile Signora Isabella de Torres, che Idlio habbia, che fu Moglie di Alonso Molina* = cum solita Armorum appositione coniuncta cum Insignijs Sanctæ Ecclesiæ Seguntinæ. Vnde si neglectus Ciner sine titulo, & nomine non fuit, imperceptibile redditur, quod hæc fuerit ea Isabella sanguine coniuncta, & de familia illorum de Torres, qui in dictis annis ultimo ignis supplicio affecti fuerunt, & quæ si sanguinis necessitudine ipsis fuisset adstri-

adstricta nulla sepulchrali inscriptione , & titulo digna erat , dum illæ non nisi egregijs Viris ob aliquod præclarum facinus fieri solent , vt notum est.

Neutiquam pariter adversante altera subalterna ratione , sive dictorum Testium credulitate reposita in ea reiectione , quam de Patruo Iosephi fecit Collegium Sanctæ Crucis , arguendo , quod quemadmodum dictus Patruus Iosephi propter dictam suspicionem infectionis resultantem ex depositionibus duorum pariter Testium , non fuit admissus ad Insignia honorifica conferri solita a Collegio Sanctæ Crucis , vulgò nuncupata *Beccha honorifica* , & ita multò minus debeat admitti ad possessionem Canonicatus , & Præbendæ in Sancta , & primitiæ Ecclesia Toletana , in qua viget æquè rigorosum Statutum puritatem Sanguinis requirens , quod viget in dicto Collegio Sanctæ Crucis.

Nam predictus potius rumor , quam probatio , prorsus cessavit in facto , ex quo habetur , quod dicti duo Testes , qui tunc temporis tanquam Inimici Domus Fernandez dictam depositionem emiserunt contra Patrum Iosephi , postea Conscientiæ stimulis agitati se retractarunt , & vpus præsertim ipsorum , quando in vltima vitæ periodo erat constitutus , qui postmodum cum dicta retractatione vitam cum morte commutavit , vnde in his terminis quod agitur de retractationibus ita qualificatè emissis , & in exonerationem propriæ Conscientiæ dubitari non valet , quod eis standum sit , vt tradunt *Cravett. conf. 75. num. 32. Menoch. de Arbitr. cas. 108. num. 7. cum sequentib. Cardinali. de Luc. de Iudic. discurs. 32. num. 62. Rot. in Romana Fideicomissi 20. Iunii 1712. §. Ique coram Me.*

Et sic prædicto corruente facto eò fortius corruere debet depositio dictorum duorum Testium nuper examinatorum præfato facto , sive supposito innixa ex clara regula , de qua vulgata sunt iura , maxime quando in omnem casum diversa esset ratio inter admissionem ad possessionem controversi Canonicatus , & ad iura honorifica dicti Collegij , ex eo quia quoad Collegia Regnorum Hispaniæ adest inconcussa Praxis , & Consuetudo non admittendi in Collegialem illum , contra quem viget etiam falsa opinio , sive rumor infectionis Criminis Iudicis , vt bene probant *Escobar. de Sang. puritat. part. 1. §. 12. quest. 12. part. 3. num. 46.* quæ praxis non procedit , nec procedere vallet contra Provisum Apostolicum , qui repellit non valet sub solo prætextu rumoris infectionis , & impuritatis Sanguinis , sed requiritur plena , & vndeque perfecta illius probatio ad notata per *Ricciolum de Neophitis cap. 7. num. 8. Rot. coram Seraphin. decis. 50. per tot. & decis. 355. coram Eodem,*

Rot. coràm Mantie. decis. 274. num. 285. & coràm sanctæ memoriæ Alexandro VIII. decis. 75. num. 11. & sequent. & decis. 176. part. 1. divers. & in Rec. decis. 177. à num. 31. ad finem decis. 175. per tot. & decis. 296. part. 1. Rec.

Quare his in factò constanter suppositis abeant , & recedant voces illæ impuritatem Sanguinis Iosephi prædicantes , quæ vel nullo pollent veritatis præsidio , vel ab illis longè maioribus , & validioribus probationibus suffocatae comperiuntur.

Et ità Canonico tantùm Informante , Capitulo verò frustra dilationem petente , vtpotè multiplicibus intimationibus lacerato resolutum fuit.

ROMÆ , M.DCCXVII.

Ex Typographia Reverendæ Cameræ Apostolicæ

Superiorem Permissu